

EH Bildu talde politikoa

Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

URGULLEN EGINDAKO MANTENIMENDU ETA SANEAMENDU LANEN KONTROL MOZIOA

Olaia Duarte Lopezek, EH BILDU udal taldeko zinegotziak, eta Haizea Garay Gallastegui, Elkarrekin Donostia udal taldeko zinegotziak, Udalbatzaren Organo Araudiaren 98. artikulua oinarri, mozio hau aurkezten dute Udalbatzan azter dadin. Mozioa 2021eko apirilaren 19an Gune Publikoen Batzordean aztertutako interpelazioaren ondorioa da.

JUSTIFIKAZIOA

2019ko abuztuaren 29an, Eguzki talde ekologistak eta Parte Zaharreko hainbat bizilagunek Urgulleko komun bateko ur beltzak mendira isurtzen ari zirela salatu zuten. Bizilagun batek grabatutako bideo batean ikus zitekeen bolborategian zeuden komunetako ur beltzak mendian bertan isurtzen zirela. Dirudienez, Udal Gobernuak egoeraren berri bazuen 2018tik eta, nahiz eta hainbat kexa jaso, ez zuten erantzunik eman.

2019ko abuztuko batzordeetan gaian ardura zuen delegatuak adierazi zuen 2019ko aurrekontuetan saneamendurako obra jasota zegoela eta Foru Aldundiaren onespeneren zain zeudela proiektuarekin aurrera jarraitzeko.

Duela aste batzuk, hiriko bizilagunek salaketak jarri dituzte, Urgull mendian egindako saneamendu obrak direla eta; zehazki, horien estetika faltagatik eta ur zikinen kutxatilik eta hodiak harresiko tarteen ondoan jarri izanak eragiten duen inpaktu bisualagatik. Gainera, nahiz eta Udal Gobernuak 2020an iragarri zuen saneamendu obrekin bukatu zuela, bizilagunek eta erabiltzaileek diotenez, taberna irekita dago komuneko zerbitzurik gabe eta ur zerbitzurik gabe (horrek duen eraginarekin, batez ere, osasun baldintzak inoiz baino garrantzitsuagoak diren une sozial honetan).

Hala ere, alde batera utzita herritarrek salatutako inpaktu bisuala -oraindik ere konpontzeke dagoena-, Ancora elkarteko ondare adituek uste dute kanalizazioa "aurrekaririk gabeko aberrazio bat" da, eta harresiarekin "basakeria" bat egin da; izan ere, hiriak duen antzinatasun elementu historiko bakanetako bat da. Zehazki, adierazi dute hegoaldean hamabi metroko zorrotan bat dagoela, Mirakontxatik ikusten dena, eta hori eraman zitekeela mendebaldeko hormatik, horko puntu batzuek hiru metroko altuera dute eta. Hori dela eta, uste dute jarduketan lehenetsuna eman zaiola obrak erraz eta eroso egiteari, hiriko ondare elementu bat, gogora dezagan, A babes maila duena, zaindu beharrean.

Dena den, Ancorako adituek adierazi dute jarduketa itzulgarria dela, eta, beraz, konpondu daitekeela arazoa, hodian trazadura beste leku batzuetatik eramanez gero. Izan ere, kultura ondarea babesteko eta kontserbatzeko garatu diren Europako eta nazioarteko legeek hamarkada asko daramatzate adierazten kultura eta ondare ondasunetan gauzatzen diren jarduerak itzulgarriak izan behar dutela. Itzulgarritasun printzipio hori jasotzen da Euskal Kultura Ondareari buruzko 2019ko maiatzaren 9ko 6/2019 Legearen 34. artikuluan ere: alegia, Euskal Kultura Ondarearen EAEko Erregistroan jasotako kultura ondasun higiezin eta higigarrietan esku hartzeko irizpide orokorrak ezartzen dituen artikuluan.

EH Bildu talde politikoa

Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

Bestetik, Urgulleko Gobernadorearen Bateria dagoen Natur Txokoko lanak ez dira behar bezala bukatu eta ezin da ulertu ingurumen-aberastasun handia duen kokagune historiko bat hala moduz uztea.

Honen guztiaren inguruan interpelatu, delegatuak erantzun zuen batzordean Urgulleko lanak exekuzio proiektua jarraituz bete direla eta ur zerbitzutik enpresa bat kontratu dela ondare historikoa babesten dela bermatzeko eta lanen inpaktu bisuala murrizteko. Hau da, enpresak obrak eginda daudenean esku hartuko du eta ez lehenago, horrek suposatzen duen kontraesanarekin.

Gainera, aitortu zuen zangak eta zuloak ireki direla zundaketarik egin gabe, baina enpresa espezializatuaren jarraipenarekin. Bestetik, adierazi zuen harresian jarritako tutuen eta instalazio elektrikoaren inpaktua oso nabaria dela, baina lehendik ere horrelako elementuak zeudela argudiatu zuen.

Komunei dagokienez, itxita zeudela baieztatu zuen eta ez zuen argitu nolatan ari den funtzionatzen taberna era egokian zerbitzu hau izan gabe.

Hortaz, azaldutako egoera kontuan hartuta, behean sinatzen duen zinegotziak honako MOZIO hau aurkezten du:

KONTROL MOZIOA

- 1.- Udaltzarak hertsatuki eskatzen dio Udal Gobernuari, hiriko ondare historikoan interbentzioak egin baino lehen, alde aurretik zundaketak edo prospekzioak egin ditzala.
- 2.- Udaltzarak hertsatuki eskatzen dio Udal Gobernuari, babestuta dagoen hiriko ondare historikoan interbentzioak egin baino lehen, lanen inpaktu bisuala aurreikus dezala ahal den heinean murrizteko.
- 3.- Udaltzarak hertsatuki eskatzen dio Udal Gobernuari, Urgulleko Gobernadorearen Bateria dagoen Natur Txokoko lanak behar bezala buka ditzala, gunea bera balioan jarritz.

Donostian, 2021eko apirilaren 23an

Olaia Duarte López
EH Bildu udal taldeko zinegotzia

Haizea Garay Gallastegui
Elkarrekin Donostia udal taldeko zinegotzia